




JOSEBA OLALDE

Arnaldo Otegi, Ortuzarri buruzko botoa Mahaira eramateko unean.

Arnaldo Otegi: «Beste eredu baterantz goaz»

■ «Euskara hobetzeko hitza eman du Ortuzarrek»

I. Murua Uria / Gasteiz

BI arrazoi nagusi nabarmendu zituen Arnaldo Otegi EHk Andoni Ortuzarri emandako baiezkora azaltzerakoan: batetik, Ortuzarrek euskara maila hobetzeko hartutako konpromisoa, eta bestetik, telebista ereduari buruzko akordioan «beste eredu baterako» oinarriak jarri izana.

EITBko zuzendari nagusia euskalduna izatea EHrentzat printzipio kontua dela berretsi zuen aurrena EHko bozeramaileak. «Bere garaian planteatu genuen sinboloa den instituzio batean zuzendari nagusiak euskalduna izan behar zuela eta hori guretzat printzipio politiko bat zela. Eta gaur esan dezakegu zuzendari berria euskalduna izango dela hemendik hila bate batzuetara».

«Guk euskaldunaren hitza onartzen dugu eta konpromiso zehatza dago Andoni Ortuzarren aldetik euskara ikasi eta lantzeko eta hila bate batzuk barru euskaraz naturaltasunez aritzeko», jarraitu zuen Otegi. «Guretzat lehenengo oztopoa hori zen eta oztopo

hori gaingitu bidean dago momentu honetan».

Telebista ereduari buruz eta edukiei buruz hitzartutako puntuen artean, lurraldetasunaren arloa nabarmendu zuen lehenik EHko parlamentariak: «Euskal Herri osokora tresna komunikatiboa da EITB, ez Araba, Bizkaia eta Gipuzkoarako bakarrik. Hitzartutako oinarrietan jasotzen da hori».

«Lehenengo kateak behar du ardatza»

Euskarazko kateari lehenetasuna ematea ere hitzartu dutela adierazi zuen: «ETBren lehenengo katea izan behar da ardatza euskararen erreperazioan eta euskararen lanketan. Gure apostua lehenengo katea indartzea da, eta ez dadila izan, orainarte bezala, bigarren katearen subsidiarioa». Otegiaren ustez, hitzartutako akordioarekin telebista eredu aldatzeko bidean jarri dute. «Uste dugu baldintza nahikorik badaudela esateko beste eredu batera goazela, eta Euskal Herri osorako eredu batera goazela».

soslaia

ANDONI ORTUZAR • EITBko zuzendari nagusia

Ari naizela

Juan Jose Ibarretxek joan den udaberri hasieran EITBko zuzendari nagusi izatearen kontua aipatu zionean, horretarako «euskararen arazoa» zuela erantzun omen zion Andoni Ortuzarrek. Hobetzeko asmoa baldin bazuen ez zegoela arazorik, arrapostu zion lehendakariak. Ibarretxe bera eredu, noski.

Jaurkitutako lehendakariaren apostua izan da hasieratik Andoni Ortuzar. «Euskaldun oso» ez izateagatik EHk sostengurik emango ez ziola adierazi zuenean ere, beste hautagairik ez du bilatu EAJk. Berak ere EITBko zuzendari nagusi ikusten zuen bere burua: Pedro Miguel Etxenike

Euskal Herriar Unibertsal izendatu zuten ekitaldi sozialeko afarian, apirilean, ETBn egin beharreko aurreneko gauza «hainbeste dantza saio» kentzea zela esan zion Etxenikek. Gomendio eta eskaera gehiago egin zizkioten gero gainerako mahaikideek. Eta Ortuzarrek Ibarretxeri: «Lehendakari, aholkulari izendatu al ditzateket hauek guztiak?». Eta lehendakariak: «Kobratzen ez badute bai».

Alderdien arteko elkarrizketetan telebista eredu, publikotasuna eta edukiak izan omen dira negoziatzio gai nagusiak, baina Ortuzarren euskara mailak ere eman du eztabaidarako aitzakiarik. «Andoni Ortuzar ezagutu gabe bere euskara mailaz gauza asko esan dira, baina hori iragana da, zorionez» esan zuen orain gutxi Egi-barrek. Ortuzarren euskara mailaren arazoa «konpontzeko bidean» zela uste zuela adierazi zuen egun berean Rafael Larreinak.

Luis Alberto Aranberri Amatiño-k ezagutzen du Ortuzar eta, honen hautagaitzaren berria zabaldu zen garaian esan zuenez, «nahikoa euskara badaki inork golik sar ez diezaion». Iñaki Zarrakoak, berriz, Ortuzarrak hartu berri duen karguaren beharrak ezagutzen ditu ondo eta, Ortuzarrek zuzendaritza nagusia hartuz gero, euskara maila hobetzea eskatuko liokeela adierazi zuen. *Deia* egunkariak eztabaida itxi nahi izan zuen nonbait, Ibarretxe eta Ortuzarren elkarrekin hizketan agertzen zituen argazkiko oinarekin: «Ibarretxe y Ortuzar, *departiendo en euskara*». Baina ez zen entzuten.

Atzo entzuten zen, eta euskaraz aritu zen

Ortuzar kazetarion aurrean: poliki, baina irakurri gabe. *Arinaiztarra* bada. Izan zen eta bada. *Ibarretxe plana* ezarri diote: egunero hiru orduko klaseak hartzen aritu omen da, eta udan ikastaro trinkoagoa hartzeko da.

Uda zuzendari nagusirik gabe egin eta urrian Ortuzar euskaldundu bati baiezkora ematea zen Euskal Herriarrok taldearen nahia, baina jeltzaleek presa sartu diete, eta «euskalduntzeko bidean» den Ortuzarri eman behar izan diote azkenean baiezkora. «Euskalduna ez zen pertsona bat euskalduntzea lortuko dugu horrela», esan zuen Arnaldo Otegi joan den astean, euskara menderatzen ez duen bat EITBko zuzendaritzarako onartzeak zekartzan onurez ari zelarik.

Garai politiko berrietan EITBren gidaritza eramateko pertsona egokitzat jo dute sektore politiko desberdinetan. Kontsentsurako eta elkarrizketarako joera duen pertsona omen da.

Duela 37 urte Abanton (Bizkaia) jaioa, kazetaria da ikasketez, eta ogibidez ere hala izan zen *Deia* egunkarian duela 12 urte arte. Oso gazte sartu zen politikagintzan, 25 urterekin, orduan Lehendakaritza sailburu zen

Juan Ramon Gebaren eskutik. 1995an Eusko Jaurkitutako Kanpo Ekintzarako idazkari izendatu zuen Jose Antonio Ardanazak, eta lan horretan jardun du orainarte Juan Jose Ibarretxeren agintean ere.

Ardanzaren *atzerri ministro* izan zen bitartean, Bingen Zupiriarekin orpoz orpoz aritu zen lanean, Zupiria Ardanazaren Komunikazio arduraduna baitzen. Bingen Zupiria Iñaki Zarrakoak izendatu zuen ETBko zuzendari, baina aukera horretan Ortuzarren eskua ikusi zen. Eta

Ortuzarrek ETBko zuzendaritzan nor eduki nahi duen inork zalantzarik baldin bazuen, Bingen Zupiria aldamenean zuela ageri zen atzo Legebiltzarrera.

Ortuzarrek berak egin zuen EAJk telebista ereduari buruz Eari eta EHri aurkeztutako proposamen idatzia. Euskarazko programazioari lehenetasuna ematea eta, beraz, ETBren lehenengo kanala eta Euskadi Irratia indartzea agertzen dira helburuen artean Ortuzarren *gobernu programan*. Lehenetasunezko kate hauetan Maddalen Iriartek edo Arantxa Iturbek Ortuzarri elkarrizketa noiz egingo zain geratuko gara, bitartean. Ibarretxeri ez diote egin, oraindik.

Imanol Murua Uria



Duela 37 urte Abanton jaioa,
kazetaria da ikasketaz, eta
ogibidez ere hala izan zen
Deia egunkarian 12 urtez